

NAQQIUT

Naqqiut 12. september 2016 ullulernerqartoq taarsissavaa

(Inatsisartut Allattoqarfiannit innersuussuteqartoqarnerata kinguneranik inatsisissatut siunnersuutip kalaallisoortaani oqaatsitigut naqqiisoqarpoq. Inatsisissatut siunnersuutip qulequtaani kiisalu inatsisissatut siunnersuummi § 1 nr. 1-imi § 2-milu naqqiissuteqartoqarpoq. Kiisalu oqaaseqaatini nalinginnaasuni naqqiutit ilanngunneqarput)

Uunga siunnersuut: Kalaallit Nunaata Aatsitassarsiornermi Aningaasaateqarfia pillugu Inatsisartut inatsisaata allanngortinneqarneranik Inatsisartut inatsisaat nr. xx, xx xx 2016-imeersoq (Aningaasaqarnermut Aatsitassanullu Naalakkersuisoq)

Saqqummiussinermi allakkiaq

(Aningaasaqarnermut Aatsitassanullu Naalakkersuisoq)

Siullermerineq

Naalakkersuisut sinnerlugit matumuuna Kalaallit Nunaata Aatsitassarsiornermi Aningaasaateqarfia pillugu Inatsisartut inatsisaata allanngortinneqarnissaa pillugu inatsisissatut siunnersuut saqqumtissavara.

Inatsisartuni inatsisissatut siunnersuutip malitsigisaanik siunnersuut manna suliarineqarpoq, taannalu Inatsisartut 2015-mi upernaakkut ataatsimiinneranni (UPA 2015/122) siullermeerlugu suliarineqarpoq. Inatsisartut aalajangerpaat ” Naalakkersuisut kingusinnerpaamik UPA2016-mi Kalaallit Nunaata Aatsitassarsiornermi Aningaasaateqarfia pillugu Inatsisartut inatsisaat nr. 6, 5. december 2008-meersumut allannguutissatut siunnersuuteqassasut piumaffigineqassapput, tamatumuuna Kalaallit Nunaanni Aatsitassarsiornermi Aningaasaateqarfik pillugu Inatsisimmi oqaatsip aatsitassarsiornermi isertitat isumaa Namminersorlutik Oqartussat pillugit Inatsimmi aatsitassarsiornermi isertitatut oqaatsip atukkap isumaanit immikkortinneqaqqullugit. Allannguutissatut siunnersuutip oqaasertaa imaattariaqarpoq, suliniutit soorlu uuliamik maqisoortoqartillugu akiuniarnikkut, illuutit sanaartukkalluunniit allat atortuutillu aatsitassarsiornermi isertitatut Kalaallit Nunaanni Aatsitassarsiornermi Aningaasaateqarfiup isertitatut oqaasertaanit immikkoortillugit.”

Inatsisissatut siunnersuutikkut matumuuna annerpaamik Naalakkersuisut aatsitassarsiornermi pileritsinermikkut atuinerikkulluunniit isertitaasa, Aatsitassarsiornermi Aningaasaateqarfimmut isertitatut ilaatinneqannginnissaat. Taamaallit nalingat nunatta karsianiit aatsitassarsiornermi aningaasaateqarfimmut nuunneqartussaananik. Taamatuttaarlu nalingat aatsitassarsiornermi inatsisit atuutsilernissaanut sunniuteqartussaananik.

Taamaalillunilu aatsitassarsiornermi aningaasaateqarfiup pigisaanut nalilinnut annikillisisuusinnaassalluni. Annikillissutaasinnaasup annertussusissaa ilaatigut aatsitassarsiornermi aningaasaateqarfiup inatsisip atuuttup suliatigut isertitat isumaa naapertorlugu attuumassuteqartinneqassanersoq

Suliaq isertitatut isummmamut atuuttumut isertitatulluunniit isummamut siunnersuummut attuumassuteqarpat, siunnersuut aatsitassarsiornermi aningaasaateqarfiup inatsisaa naapertorlugu pigisat nalillit allannguuteqassanngillat. Taamatuttaaq suliaq isertitatut isummamut atuuttumut isertitatulluunniit isummamut siunnersuummut attuumassuteqanngippat, aningaasaateqarfiup inatsisaa naapertorlugu pigisat nalillit allannguuteqassanngillat. Suliarmi taamaallaat isertitatut isummamut atuuttumut attuumassuteqaraluarpat, isertitatulli siunnersuummili isertitatut isumaannut attuumassuteqarani, taava siunnersuut aatsitassarsiornermi aningaasaateqarfiup inatsisaa naapertorlugu pigisaasa naliinut annikillissutaassagalarpoq.

Siunnersuutip kingunerissavaa, aatsitassarsiornermi inatsit naapertorlugu isertitatut isumaq namminersorlutik oqartussat inatsisaanni isertitatut isummamut naapertuukkunnaassammat. Taamaalillunilu qallunaat naalagaaffianniit Kalaallit Nunaanni Namminersorlutik Oqartussanut ukiumoortumik tapiissutit namminersorlutik oqartussat inatsisaanni malittarisassat naapertorlugit annikillisinneqassammat, naak aatsitassarsiornermi aningaasaateqarfimmi tamatuma nalinganik pissarsisoqanngikkaluartoq, taamatullu Namminersorlutik Oqartussat aningaasartuutaat taamatullu annikillineqanngikkaluartut.

Taamatut oqaaseqarlunga matumuuna Naalakkersuisut sinnerlugit siunnersuut Inatsisartuni suliasanngorlugu tunniuppara.